

中興禮書

中興禮書第二百五十七卷

凶禮二十二

昭慈聖獻皇后

謚號議一

紹興元年四月十五日禮部太常寺言隆祐皇太后崩  
依故例合以代行隆祐皇太后為稱詔依  
五月七日太常寺言今檢照昭憲皇后故事尚書省集  
官擬謚今來大行隆祐皇太后崩合集官擬謚除禮部  
太常寺官依禮例合赴外伏乞朝廷指揮許今正官以  
上赴赴仍乞降集官擬謚日分詔用五月八日令侍從  
臺諫官以上集謚六曹郎官以上書謚

正名位

紹興元年五月八日刑部尚書兼權禮部尚書胡直孺等言準詔以大行隆祐皇太后祭配廟廷令禮部太常寺討論合行用禮及奏告天地宗廟等事申尚書省取旨竊考國朝追冊母后典故皆由前日未極尊稱故於升遐之後始務褒冊以正名位恭惟大行隆祐皇太后早儼宸極及紹聖蒙垢退處道宮謹按元符三年五月詔書首曰朕紹休列聖承訓東朝又曰皇太后念仙游之寢遠撫前事以興慈惻然深矜示不終廢雖奸邪當制不肯發揚太后之盛德懿範以昭雪紹聖暗昧之謗然道君皇帝受命於欽聖憲肅皇后以復冢婦之意亦既明甚崇寧初權臣擅政違悖典禮以卑廢尊及靖康末太后以扶持社稷保護生靈為心一旦躬履險難垂

簾聽政而天下無異論者豈不以欽聖憲肅皇后之慈  
旨與道君皇帝詔書故在是太后之隆名定位已正於  
元符三年而不在於靖康變故之日也復自建炎以來  
正位東朝母儀天下升遐之日群臣縞素聖情悼慕禮  
極優崇名位乾正將來登配廟廷謂宜專用元符三年  
五月詔書明指崇寧奸臣沮格之意奏告天地宗廟所  
有用禮恐更不合討論詔用命更不須討論餘依

五月二十六日禮部太常寺言已降指揮宜專用元符  
三年五月詔書明指崇寧奸臣沮格之意奏告天地宗  
廟據太史局選定奏告天地宗廟社稷宜用五月二十  
八日癸亥吉今參酌比附到合行事件 一奏告天地  
宗廟社稷內奏告宗廟合於奉上用寶以前奏告今欲

於大善寺大殿上設位望告行禮奏告天地社稷乞於

天慶觀設位行禮 一合用御封降真香并祝文

隆祐以

皇太后欽聖憲皇帝皇后主祭日 一奏告天地社稷所有

神位版并鋪設祇應人乞下太史局差辦 一逐處合

用奉禮郎太祝太官令各一員乞下越州差官 一逐

處合用幣帛酒脯禮料并宗廟合用位牌等乞下越州

置辦詔依 奉議所贊告廟合用位牌禮料并

官并虞祭卒哭祭土各合用幣帛祭器禮料及遷奠

辦三年收攝告廟奉上用寶奏告天地宗廟社稷各

用幣帛禮料下臨安府排辦及奏告天地社

禮合用神位版鋪設人下太史局差辦並做

五日集官擬謚曰昭慈獻烈詔恭依

同日太常寺言今檢照明德皇后謚號勅下日百官西

上閤門進名奉慰及依禮例自來百官進名奉慰日皇帝不視事今月十三日大行隆祐皇太后謚號勅下百官於殿門外進名奉慰其日皇帝係後殿坐欲乞依前項禮例皇帝不視事詔依

五月十六日工部言據文思院申製造哀用謚冊寶法物腰輿今參酌到下項 一哀用謚冊合用四十八簡每簡長一尺濶六分厚二分半並用階石今越州即無階石欲用象牙製造 一腰輿用匣寶盃香案行為等舊係金鍍銀葉段裝釘欲乞並用素朱紅漆內第三寶盃舊係渾金葉段亦乞用鍍銀葉段裝釘 一應用複褥帕等舊係紅羅銷金欲乞並用素紅 一腰輿竿頭舊是金鍍銀螭頭欲乞以雕木五彩裝造 一香案上

舊用金鍍銀花瓶麻爐香是灰匙火筋燭臺剪燭力香  
合子其麻爐等欲乞以銅詔依

五月十九日禮部太常寺言工部據文思院申修製謚  
冊寶用金篆字寶檢牌一今據篆文官申昨少府監鑄  
造過明達皇后金寶一鈕樣制徑直二寸四分厚七分  
鈕高一寸三分並用景表尺其實用金鑄今來欲用銀  
鑄塗金伏乞備申太常寺更賜看詳有無增損樣制并  
所鑄寶內篆文字數一就降下勘會今來所申事理雖  
於本寺別无妨碍合取自朝廷指揮所有寶上篆文欲  
乞以昭慈獻烈皇后之寶八字為文詔依

同日翰林學士汪藻言准勅差充撰謚議官謹案唐會  
要元和十一年三月順宗皇后王氏崩于南內之咸寧

殿謚曰莊憲初太常少卿韋勲進謚議公卿書定欲告  
天地宗廟太常禮院奏議曰謹按曾子問賤不誅貴幼  
不誅長禮也古者天子稱天以誅之皇后之謚則讀于  
廟江都集引白虎通曰皇后何所謚之謚之於廟又曰  
皇后無外事無為於郊傳曰故雖天子必有尊也准禮  
賤不誅貴子不得爵母所以必謚于廟者謂宜受成於  
祖宗故天子謚成於郊皇后謚成於廟今請準禮集百  
官連書謚狀訖讀於太廟然後上謚於兩儀殿既符其  
事允合禮經從之今來大行隆祐皇太后尊謚謂宜用  
集議狀差官詣溫州神御前讀訖然後上謚詔令禮部  
太常寺討論申尚書省

五月二十五日禮部太常寺言今討論依故事謚號尚



書省集官擬謚百官書謚太尉奉謚用寶告廟訖次日  
上於靈座前今來合依汪藻具到故事又緣依近降指  
揮令侍從臺諫官以上集謚六曹郎官以上書謚訖若  
施行差官詣温州宗廟神主前讀訖然後上謚必過橫  
殯日辰今欲乞於大善寺之大殿上設位依故事太尉  
奉謚用寶告廟差官讀謚用寶行禮訖次日上於靈座  
前詔依

五月二十九日太常寺言已降指揮謚號勅下日太尉  
率百僚奉謚用寶告太廟次日上於靈座前今參酌到  
合行事件 一合候修製用寶了畢擇日奉謚用寶告  
廟行禮俟行禮畢本殿交割收掌 一合用御封降真  
香一十二合 一合用祝文一十一首

並還以大行隆  
祐皇太后崩奉

上冊寶告之意

一奉<sub>上</sub>謚冊寶并率百僚奉謚冊寶告太

廟合差太尉一員乞差宰執一合差讀冊讀寶官各

一員乞差侍從舉冊舉寶官各二員奉禮郎太祝太官

令各一員乞差郎官一奉冊寶告廟訖次日上於靈

座前百官並乞服未成服已前服立班

傳黑帶不佩魚

一謚

冊寶告廟訖欲乞只就大善寺設帷權行安奉應奉上

冊寶官并引贊禮直官捧冊寶職掌並宿於冊寶帷之

側詔依

三年改謚奉冊寶告廟差贊冊寶官舉冊寶官奉禮太祝太官令並仿此

六月三日太常寺言勘會文思院見修製謚冊寶依故

事合候書冊文官書冊文畢有司進請御書訖至奉謚

冊寶告廟前一日有司進謚冊寶於內中告廟日降出

依禮例修製官司計會入內內侍省專差內侍三員掌

管進請御書并進謚冊寶入內中并告廟日請降出殿

門詔依

奉勅冊寶告廟用六月十七日

同日參知政事秦檜言奉勅撰大行隆祐皇太后謚冊文曰哀姪嗣皇帝臣某謹再拜稽首上言伏以坤輿厚載德著於承天月御並明功標於邈日蓋至化歲於不宰而常道同於可名乃如儼質聖皇母儀昭代有撥亂之嘉績有濟物之湛恩伊欲揭懿範以表衆觀流芳馨以孚奕世則累行定謚琅玉述辭莫可已者恭惟大行隆祐皇太后稟淑慎之姿遵正信之度發祥魏國作合泰陵夙逮事於宣仁久受知於欽聖婦道無失邦誣自明駭狂虜之憑陵痛兩宮之播越大器岌岌羣情喁喁勉與突之間出副臣民之望手輓神筴面授冲人泊巡

駐於東南倏變生於肘腋內外疑沮黎元震驚仰繫訓  
告之勤用折姦凶之勢再安宗廟重整乾坤已而退處  
深閑絕意幾務裏謁不聞於外間偏恩罔及於私家恬  
澹怡神靜仁宜壽而昊天不弔大養靡終茲用茹痛薰  
心御哀兩泣顧歸祔之猶阻寧修殯之敢稽涓日戒途  
庀官箴事物無足以稱德禮莫重於推尊爰飭備儀誕  
揚徽冊謹遣某官奉寶冊上尊謚曰昭慈獻烈皇后恭  
惟盛德允升精爽不昧助掃妖撓之慝終還清洛之居  
永配祖宗同饗歆孝饗謹言詔付書冊文官

奉謚冊寶告太廟儀

奉謚冊寶告廟前一日有司進入內中至日文武百僚  
徑赴告廟處奉上冊寶太尉讀冊寶官舉冊寶官並入

內於殿門外幕次俟謚號用寶降出至殿門上太尉以下迎拜訖權退謚用寶進行太尉已下並乘馬後從至設位望告處門外應後從官並下馬後從謚用寶入門於殿下西階下東向權置位置定用北寶南太尉已下權退歸幕次有司實設酒脯排辦訖御史臺閣門分引文武百僚入就位禮直官引班首已下立定次引太尉詣殿下東向西立奉禮郎太祝太官令立於庭中北向西上讀寶冊官舉用寶官並於寶冊之後東向以北為上立定禮直官贊拜贊者曰拜在位官皆再拜訖先引奉禮郎太祝太官令各入就位次禮直官引太尉詣盥洗位搯笏盥手悅手洗爵拭爵執笏升階詣酒樽所西向搯笏跪執爵太官令酌酒訖執笏興太尉詣僖祖室

室香案前指笏跪上香再上香三上香奉禮郎西向跪奉幣太尉受幣奠幣執爵三祭酒於茅苴奠爵執笏伋伏興少立俟太祝東向指笏讀祝文訖太尉再拜訖次詣翼祖室宣祖室太祖室太宗室真宗室仁宗室英宗室神宗室哲宗室惠恭皇后室並如上儀訖降階復位立禮直官引太尉詣用權置位指笏奉用舉用官指笏舉用至殿上當中褥位跪奠用執笏興少退立舉用官跪舉用讀用官指笏跪讀用文訖執笏興舉用官舉用降階至權置位置定於用後立次引太尉降階詣寶權置位指笏奉寶舉寶官指笏舉寶寶至殿上當中褥位跪奠寶執笏興少退立舉寶官跪舉寶讀寶官指笏跪讀寶訖執笏興舉寶官舉寶降階至權置位置定於寶

後立太尉降階復位西向立禮直官贊拜贊者曰拜在  
位官皆再拜有司捧冊寶至帷文武百寮退太尉以下  
詣望座位立定有司瘞幣帛祝版訖各宿冊帷之側

奉謚冊寶上於靈座前儀

其日自告廟處奉謚冊寶入權開門

太尉以下後從

至門太尉

已下並下馬從入至大行隆祐皇太后殿階之西東向  
權置位置定冊北寶南太尉以下權退俟有司排辦香  
火等畢御史臺閣門分引文武百寮詣殿下北向立定  
禮直官引班首已下詣殿下之東西向立讀冊寶官舉  
冊寶官並立於冊寶之後以北為上立定禮直官贊拜  
在位官皆再拜訖次引太尉升殿詣大行隆祐皇太后  
香案前搢笏上香再上香三上香跪一酌茶三奠酒執

笏俛伏興再拜降階復位少立又尉太尉於殿下北向  
禱位俛伏跪奏稱太尉臣某言奉詔謹奉上下行隆祐  
皇太后謚冊寶奏訖俛伏興詣冊權置位措笏奉冊舉  
用官措笏舉冊升殿詣大行隆祐皇太后香案前禱位  
跪奠冊執笏興少退立舉冊用官跪舉冊讀冊用官措笏跪  
讀冊文訖執笏興舉冊於殿上稍東禱位置定降復位  
次引太尉降階詣寶權置位措笏奉寶舉寶官措笏舉  
寶升殿詣大行隆祐皇太后香案前禱位跪奠寶執笏  
興少退立舉寶官跪舉寶讀寶官措笏跪讀寶訖執笏  
興舉寶官舉寶於殿上稍東禱位置定執笏興降復位  
次太尉降復位西向立本殿官交割冊寶并沿寶法物  
禮直官贊拜在位官皆再拜訖退



五月二十一日太常寺言檢會明德皇后故事未奉上謚號用寶以前稱大行皇太后奉上謚號用寶了日稱明日德皇太后祔廟畢稱明德皇后今來大行隆祐皇太后謚號勅下今參酌奉上謚號用寶已前合稱大行隆祐皇太后奉上用寶了日合稱昭慈獻烈皇太后祔廟畢合稱昭慈獻烈皇后詔依

中興禮書第二百五十八卷

凶禮二十三

昭慈聖獻皇后

謚號議二

紹興三年四月八日詔昭慈獻烈皇后謚號令禮部太常寺同共重別討論申尚書省

四月十二日禮部太常寺言令重別討論謹按國朝故事慈聖光獻皇后宣仁聖烈皇后皆係垂簾聽政其謚號內皆稱聖字今昭慈獻烈皇后當艱危之際兩經垂簾聽政功在社稷甚大其謚號內即無聖字實於尊稱之義有所未盡兼詳國朝祖宗故事如明憲皇后改謚昭憲莊懷莊穆莊獻明肅莊懿莊惠皇后並改莊字為

章字今討論合依故事令考功集官議定改謚取旨依  
典禮施行詔依

四月十五日御史臺言據考功闕報本台官並合赴赴  
今月十五日尚書省改謚考功於告示內聲說勘會昨  
隆祐皇太后集議謚除禮官外係用監察御史以上赴  
赴今來依例告報前項官檢准本台令諸尚書省集議  
輪御史一員監差知班二人祇應告而不赴及不為議  
意而書者並彈奏有異議者聽具狀論列竊詳上條尚  
書省集議只是本台輪差御史一員監有合彈奏事即  
元全台官赴赴之文兼元降聖旨內亦無臺諫官集議  
指揮未委合與不合赴赴伏乞朝廷速賜指揮施行詔  
依御史臺令施行

四月十六日吏部言已降指揮昭慈獻烈皇后謚號令  
考功集官議定改謚取旨依典禮施行本部於今月十  
五日起都堂官集議昭慈獻烈皇后改定謚曰昭慈聖  
獻皇后詔恭依

四月二十二日禮部太常寺言已降指揮昭慈獻烈皇  
后改謚曰昭慈聖獻皇后依故事奉上謚號用寶已前  
合稱昭慈獻烈皇后俟奉上謚號用寶了日合稱昭慈  
聖獻皇后詔依

四月二十四日禮部太常寺言考功集官議改謚曰昭  
慈聖獻已奉聖旨恭依今檢會到謚法故事并參酌典  
禮具到合行事件下項 一昭憲皇后初謚明憲

少卿  
吉撰

後改謚昭憲 一莊獻明肅皇后明道二年三

太常  
議

月謚曰莊獻明肅

謚議翰林學士馮吉撰

謚冊美參知政事薛鑒

撰哀冊文案臣張士選撰慶歷四年十一月改謚章獻

冊文翰林學士宋祁撰

無謚議

一慈聖光獻皇后謹按謚法愛

民好與曰慈能以仁教曰慈通達先知曰聖窮理盡性

曰聖和寧百姓日光格于上下曰光聰明睿知曰獻博

聞多能曰獻一今來昭慈聖獻皇后謹按謚法曰通

達先知曰聖克嗣徽音曰聖一檢詳前項昭憲皇后

章獻明肅皇后改謚並無謚議緣並從帝謚今來昭慈

聖獻皇后改用聖字即與前項故事不同竊慮合差官

撰謚議伏乞朝廷指揮施行詔謚法恭以克嗣徽音曰

聖撰謚議官差翰林學士綦宗禮餘依

紹興三年四月二十四日禮部太常寺言准勅節文昭

慈獻烈皇后改定謚曰昭慈聖獻皇后今來合修製謚  
用謚寶并沿用寶法物等乞下文思院製造詔依

四月二十八日禮部太常寺言今具合行事件 一將  
來修製用寶了畢依故事合擇日奉用寶告廟畢於內  
中設幄安奉次日行奉上之禮緣今來太廟神主見在  
溫州奉安難以就太廟行告廟之禮欲依近例於行在  
設位奉用寶告廟畢於內中安奉 一將來奉上用寶  
禮依故事前一日奏告天地宗廟社稷並於行在設位  
行禮內宗廟於溫州神主前行禮 一檢會天禧故事  
奉上六室尊謚儀注皇帝御殿命使發用寶詣太廟逐  
室行奉上之禮 一檢會慶歷故事改定真宗皇帝五  
后謚號皇帝於大禮前一日躬行奉上之禮 一今來

合行奉上用寶之禮緣神主見在溫州奉安卽難以依  
慶歷故事躬行奉上欲依天禧故事皇帝御殿命使發  
冊詣溫州本室行奉上之禮詔依

六月二十一日禮部言臨安府相視到法惠寺佛殿可  
以充告廟設位行禮殿詔依

五月二日工部言文思院製造謚冊謚寶并沿用寶法  
物等欲乞依昨紹興府已製造合用物料製造詔依

五月十四日禮部太常寺言勘會今來見塑製昭慈獻  
烈皇后神御俟工畢亦合迎奉赴溫州景靈宮奉安今  
來未審候修製冊寶畢命使奉冊寶先詣溫州行禮唯  
復候塑製神御畢迎奉日一就奉冊寶前去詔候塑製  
神御畢迎奉日一就奉冊寶前去

五月十二日禮部太常寺言勘會慈聖光憲皇后謚號  
昭慈獻烈皇后謚號檢照六家謚法係君謚后妃謚內  
通用該載今來昭慈獻烈后皇改謚昭慈聖獻皇后先  
申請開具通達先知曰聖克嗣徽音曰聖已降指揮恭  
以克嗣徽音曰聖今契勘切慮合於君謚后妃謚法內  
參照通用又太常寺具到六家謚法君謚極深研幾曰  
聖窮理盡性曰聖窮神知化曰聖能饗上帝曰聖兼聽  
善謀曰聖裁成天地曰聖睿知天縱曰聖百姓與能曰  
聖脩物成器曰聖虛己從諫曰聖后妃謚窮理盡性曰  
聖脩道全美曰聖克嗣徽音曰聖慈聖光獻皇后謚通  
達先知曰聖窮理盡性曰聖詔宜恭以脩物成器曰聖  
令恭定禮別撰謚議



五月十九日禮部太常寺言奉用寶告廟令具合行事

件 一合用御封降真香一十一合 一合用祝文一

十一首 並述以昭慈惠皇太后改誌昭慈 一文武百寮

赴陪位立班及作休務假一日 一依禮例行事官並

合服祭服行禮陪位百寮並服常服詔依 命使陪位百寮

及作 五月二十日禮部太常寺言檢會慶歷四年七月二十

二日詔俟南郊禮前改謚莊懷皇后曰章懷莊穆皇后

曰章惠莊獻明肅皇太后曰章獻明肅莊懿皇太后曰

章懿莊懿皇太后曰章惠八月二十五日太常禮院言

故事只以冊寶告廟更不改題神主從之勘會今來昭

慈獻烈皇后改謚昭慈聖獻皇太后並依上項故事只以

慈獻烈皇后改謚昭慈聖獻皇太后並依上項故事只以

冊寶告廟更不改題神主詔依

五月二十二日禮部言將來命使發冊寶赴温州本室沿路並於州縣官廨舍或寺觀安奉詔所至州縣先踏逐寺觀如無除州縣守令廨舍外許以餘官廨舍安奉六月十四日禮部太常寺言已降指揮依天禧故事皇帝命使發冊寶行禮今具合行事件 一依天禧故事告廟畢奉冊寶於文德殿設幄安奉次日皇帝服通天冠絳紗袍執大圭自冊寶幄後從至天安殿下行命使發寶之禮今欲乞俟奉冊寶告廟畢於常御殿幄安奉次日皇帝自內詣常御殿後幄服通天冠絳紗袍執大圭詣冊寶幄後從至常御殿下命使發冊寶行禮 一太尉并舉冊寶等官及陪位百寮並朝服立班今欲乞

奉上用寶太尉舉用舉寶官奉用中書令奉寶侍中都

大主管官並服外其餘陪位官前導官并應奉人等並

服常服 一合差奉上用寶太尉一員兼奉用寶太廟并赴溫州太廟

行奉禮乞差使相奉用中書令奉寶侍中各一員乞

差執政舉寶官各二員乞差郎官進接大主殿中監一

員禮部侍郎二員御前奏解中嚴外辦一員乞差侍從禮

部郎中二員御前奏解中嚴外辦一員乞差郎官禮儀使一員乞

差侍從太常博士二員一員贊引太尉乞差太常丞

博士 一太尉持節奉用寶詣太廟行禮所有合用節

文令工部下所屬製造 一常御殿當中合設用寶帷

常御殿後帷後并殿下合設置用寶褥位並乞下儀鸞

司釘設排辦 一合用御封降真香三合 一行事官

等並於殿側設次宿衛今來欲乞於行宮南門內西廊上釘設幕次 一用寶至幄安奉訖乞下入內侍省差內侍三員主管仍乞下內東門司差幕士三五人同所差官於用幄之側晝夜照管宿衛 一發用寶禮畢其用寶合於行宮門外俟次日奉迎神御禮畢一就進發前去溫州詔依

同日禮部太常寺言已降指揮於溫州太廟奉上用寶詣本室前行奉上之禮并奏告太廟今具合行事件 一今來奉上用寶合於奉安神御日前奉上其奉上一乞令都大主管所約度選定日辰取旨報太常寺 一讀用讀寶官各一員乞差郎官舉用舉寶官各二員乞下溫州差文臣充 一合用御封降真香一十二合

一合用祝文一十一首

並述以昭慈獻烈皇后  
慈聖獻皇后奉上用寶之意

一前一日奏告太廟乞下提點所排辦禮料差官行禮

一依禮例奉上用寶太尉率百寮奉上用寶行禮今

來奉上用寶欲乞令温州長吏率見任及寄居文武百

官并宗室赴陪位立班 一奉上用寶禮畢令奉迎

神主所安奉 一合用朝服八副乞下祇候庫闕借詔

依

六月二十一日翰林學士蔡崇禮言撰到昭慈獻烈皇  
后改謚昭慈聖獻皇后謚議臣聞聖人之應世方其誥  
身以退藏於密則靜而無為晦而不彰歛道德於一已  
謝功名于當代民無得而稱焉及乎遭天下之變履天  
下之危智士失圖勇夫拱手當斯時也洵洵者待我而

後定岌岌者待我而後安則感焉而不得不為之應迫  
焉而不得不為之動於是起而赴之不煩指麾不動聲  
色而天地之經奠日月之翳銷神器丕基既憤而復興  
皇綱帝紀將絕而復續所謂變而克正危而克扶者收  
功於俄頃之基而垂裕有無窮之聞非天下之至聖其  
孰能與於此鴻惟昭慈獻烈皇后躬柔順之資蘊神明  
之智起家而儼宸極若固有之釋位而避官闈無可愧  
者進退不失其時造次不違於仁此聖人之至德也逮  
其遭變履危從權濟艱天意所屬人望攸歸挈祖宗之  
統而親授聖皇除城社之妖而再還明辟雍容房闈計  
安邦家倉卒一時利澤萬世此聖人之極功也惟德與  
功咸本於聖而容官累行乃獨闕焉宜乎上心以為未

足而群工有司得以追議也夫升高而望天地不能窮其大當午而瞻日月不能極其明由盛德全功而觀聖聖人亦焉得而盡名之前日議者以明德有功曰昭視民如子曰慈聽明睿智曰獻安民有功曰烈節是四惠焉應謚法先后之美固兼之矣雖然昭既主功慈既主民而又以烈配不幾于重複而言若有所未至者歟是則無待於烈而有闕於聖蒸嘗之際稱謂之間恐未足以對越神靈而下祛衆惑雖更議無嫌也惟我皇朝母后之懿由漢以來蓋未之有慈聖光獻皇后援立英祖傳序裕陵再御簾帷退安大養宣仁聖烈皇后擁佑哲宗始終九載元祐之政至今稱仁欽聖憲肅皇后當元符未命定策宮中扶翊上皇決於獨斷三后繼踵如相

授受是以徽稱咸主聖言昭慈獻烈皇后逮事宣仁欽  
聖率循婦道取法母儀丁時之艱再安社稷功齊德共  
力則倍之校美于茲實同至聖然則鴻名顯號極其推  
崇雖舍是而有稱焉臣知天下後世臣子之心為未厭  
也切嘗考之上古之時生人之道未立穴居而野處飲  
血而茹毛蓋夷狄禽獸如也聖人者出因時之宜而致  
其利使人之所生養而無不足之患於是人得自別於  
夷狄禽獸之群而三綱五常之道興焉易之繫辭曰備  
物致用立成器以為天下利莫大乎聖人言聖人之功  
其大於此雖然聖人豈區區有心於造為者哉或時通  
至是不得不是故由其血食而為之作網罟由其粒  
食而為之作耒耜以有無之不齊則合之以市易以往



來之不通則濟之以舟楫至於服牛乘馬重門擊柝杵  
 臼弧矢宮室書契之用凡一物之設一器之制取給天  
 下之求而已不自為也後世之亂固有甚於民無養生  
 之初而聖人之功固有出而拯之如古昔之為天下利  
 者由是推之則先后之聖可得而形容矣當其失位而  
 退處視邦家之計何所容之及夫時移而事變應臣民  
 之求良非得已於是時也轉盼之際呼吸之間存亡禍  
 福所不可測乃以柔弱之身立危疑之地重安龜鼎再  
 扶尊極使祖宗舊物永有所傳聖人大寶永有所定天  
 下神器永有所歸元元之民還戴吾宋而弗淪於夷狄  
 禽獸之域然則備是物成是器以為利天下方諸罔罟  
 耒耜之作不亦甚大矣哉由所建立要其成功雖以母

后之聖而上追犧農可也彼塗山興夏文母造周內助  
稱賢夫何足道謹按謚法備物成器曰聖今群工有司  
之議更出于此臣愚知足以合天下之公願而仰契孝  
心追報之萬分一也昭慈獻烈皇后尊謚請以祖宗之  
命改號曰昭慈聖獻皇后臣謹議詔恭依

二十四日太常寺言昭慈獻烈皇后改謚昭慈聖獻皇  
后於温州太廟奉上冊寶今參酌禮例修撰儀注詔依  
前一日奏告太廟行禮如常儀奉上冊寶太尉以下於  
權安奉處致齋奉上冊寶日自權安奉處有司奉謚冊  
寶太尉以下並帝  
服後從如儀至太廟門太尉以下並下馬從入至  
殿階下之西東向權置位置定冊北寶南太尉以下權  
退歸次俟有司排辦香火等畢禮生分引温州知通并

見任及寄居文武官并宗室并常服詣殿下北向立禮  
直官贊者分引太尉以下並服朝服太尉詣殿下之東  
西向立次引都大主管官又於其南稍東西向立讀用  
寶官並立於用寶之後以北為上立定禮直官贊拜贊  
者曰拜在位者皆再拜訖次引太尉升殿詣本室香案  
前揖笏上香再上香三上香執笏降階復位少立又引  
太尉詣殿哲宗皇帝室前北向褥位俛伏跪奏稱太尉  
臣某言奉詔謹奉上昭慈獻烈皇后右改謚昭慈聖獻  
皇后謚用寶奏訖俛伏興降階詣用權置位揖笏奉用  
舉用官揖笏舉用升殿詣本室香案前褥位跪奠用執  
笏興少退立舉用官跪舉用讀用官揖笏跪讀用文訖  
執笏興舉用官舉用於殿上稍東褥位置定降復位次

引太尉階詣寶權置位指笏奉寶舉寶官指笏舉寶升殿詣本室香案前褥位跪奠寶執笏興少退立舉寶官跪舉寶讀寶官指笏跪讀寶文訖執笏興舉寶官舉寶于殿上稍東於用之南褥位置定執笏興降復位次引太尉復位西向立本廟交割用寶并沿用寶法物訖禮直官贊拜贊者曰拜在位官皆再拜訖退

二十九日詔昭慈聖獻皇后改謚命簽書樞密院事徐俯撰謚用文參知政事席益書謚用文樞密都承旨趙子畫書篆寶文戶部員外郎徐杞奉用寶告廟并命使發用起居郎權中書舍人孫近讀用文

七月六日樞密都承旨趙子畫言准勅差篆昭慈聖獻皇后寶文尋據文思院供舊寶方二寸四分欲以昭慈

聖獻皇后之寶八字為文分寸仍舊從之

九月八日禮部太常寺言已降指揮將來奉上用寶禮  
依故事前一日奏告天地宗廟社稷並於行在設位行  
禮內宗廟於溫州神主前行禮令契勘奉上用寶用九  
月十五日丙寅吉即合於九月十四日行在設位奏告  
天地社稷今有合行事件 一合用御封降真香四合

一合用祝文四首

並建以昭慈獻皇后奉上用寶奏告之意

一奏告天地乞於天慶觀設位社稷乞於法惠寺設

位 一奏告天地乞差宰執一員社稷乞差侍從一員

一逐處合差奉禮郎太祝太官令各一員乞下臨安府

差官詔依

奉謚用寶告太廟儀

奉謚冊寶告廟前一日有司進謚冊寶入內進請御書  
訖俟冊寶降出至殿門外授衛用寶至設位皇告處用  
寶帷權行安奉告廟日設用寶於殿西階下東向權置  
定冊北寶南文武百寮五更徑赴告廟處幕次以俟立  
班行禮注並如紹興元年奉謚冊寶告廟之儀行禮畢次授衛用寶行太尉  
已下後從用寶至帝御殿帷歸次宿衛州太廟奉上行  
禮

### 奉冊寶詣本室前行奉上之禮儀

前一日奏告太廟行禮如常儀其日自權安奉處有司  
奉謚冊寶太尉以下並至太廟門太尉以下並下馬從  
入用寶帷訖退歸次宿衛其用寶帷於木  
奉上册寶日其日自用寶帷有司奉謚冊寶太尉以下  
上並常

從後

至殿階下之西東向權置位置定用北竇南太尉

以下權退歸次候有司排辦香火等畢禮生分引溫知  
通并見任及寄居文武官并宗室並常服詣殿下北向  
立禮直官贊分引太尉以下並服朝服太尉詣殿下之  
東西向立次引都大主管官又於其南稍東西向立讀  
用寶官舉用寶官並立于用寶之後以北為上立定禮  
直官贊拜贊者曰拜在位官皆再拜訖次引太尉升殿  
詣本室香案前措笏上香再上香三上香執笏降階復  
位少立又引太尉詣殿上哲宗皇帝室前北向褥位俛  
伏跪奏稱太尉臣某言奉詔謹奉上昭慈獻烈皇后改  
謚曰昭慈聖獻皇后謚用寶奏訖俛伏興降階詣用權  
置位奉用寶詣本室前讀用寶行禮並如紹興元年奉

上謚冊寶之儀

九月十四日告廟十五日皇帝御常御殿命開府儀同  
三司信安郡王蓋忠厚攝太尉奉冊寶于廟堂 冊文  
曰孝姪嗣皇帝臣某謹再拜稽首上言恭以內治內德  
之茂母訓母儀之尊生榮死哀考終義備春秋霜露之  
再履歲時祭祀之永思雖有以易其名懼未足都其號  
蓋捨大而錄細則失實而近誣若夫聖而不居在於禮  
而何當四美之具深酌於師言一字之更博求於公議  
美哉三后之善繼赫然九廟之威神遠尊乾德之舊章  
次法慶歷之故事伏惟昭慈獻烈皇后長秋失位賢而  
不見答長樂推崇聖而不可知克嗣徽音武是皇姑之  
懿範備物成器獨超累代之規模大而化之罔不率俾



致用為天下之利恢復興海內之功稱制每出於權宜  
神器自歸於正統廓清滓穢掃定妖氛相我幼冲人用  
勦家多難乾坤所以再造日月所以重明險阻艱難之  
脩膏勞來還定之得所皆濟哲之能事豈房閼之為仁  
敢忘擁佑之勤義均劬勞之報謚定以詔萬世道從以  
懷萬邦惟永有辭必名正而言順承休無斁在追遠而  
奉先謹遣攝太尉潼川軍節度使開府儀同三司充醴  
泉觀使信安郡王食邑二千戶實封一千戶孟忠厚奉  
冊寶改上尊謚曰昭慈聖獻皇后伏願如在之靈對卜  
年之七百不亡之壽饗禮儀之三千祚永有關數過其  
歷列不移之鍾虞配如故之宗祧四夷來王諸侯助祭  
謹言

釋服

紹興元年四月二十一日太常寺言明道二年三月甲  
午夜三鼓章獻明肅皇后崩于寶慈殿乙未百官班于  
皇儀殿聽遺誥服紀以日易月在京文武百僚十三日  
而除丙午小祥宰臣率百官請皇儀殿進名奉慰退易  
常服契勘祖宗以來皇太后崩故事莫盛章獻明肅皇  
后當時遺誥十三日令在京百官除服自甲午至丙午  
為十三日伏覩今來大行隆祐皇太后崩今月十四日  
庚辰遺誥亦以十三日而除服合至二十六日壬辰日  
百官依故事進名奉慰退易常服詔依

四月二十六日太常寺言檢會故例釋服後朔望日百  
官進名奉慰勘會今來大行隆祐皇太后攢殯以前欲

依前項故事遇朔望日百官進名奉慰詔依

挽詞

紹興元年五月二十日太常寺少卿蘇遲等言今檢照  
禮文申請下項 一開寶故事禮儀使上言准禮例中  
書門下省御史臺文班撰挽詞送中書付太常寺教習  
應奉 一孝章皇后故事中書門下兩省御史臺文班  
各撰挽詞二首望依舊例詔三館朝官安德裕等二十  
五人各撰挽歌二首李祥皇后白入宮即有中宮之號然未降制命故喪儀咸有降損  
今來合撰挽詞合取自朝廷指揮詔挽詞令翰林學士  
中書舍人共撰二十首

御製挽詞

第一

母儀形四海坤德載羣生保佑無前古溫恭去今名東  
朝方就養南國未消兵仙馭還何速攀號淚滿盈

第二

重縈行朝念深纏宸宇悲俯頽遺詔日猶想御簾日壽  
祿應全未天心杳莫知承平雖有待那得更扶持

第三

有美三宮德無嫌並后心疾因憂國祚魄已散江潯忍  
奏簫韶曲寧聞金玉聲唯應泰陵遠餘恨石門深

翰林學士汪藻

四紀居坤極三朝賴母臨德齊先后意思及聖君深用  
用寶追崇禮衰麻欲報心夜榮千古事誰復嗣徽音

右一

慶源由魏國奉事及宣仁盛德儀中壺私恩絕外親長  
秋應不老厚夜忽無辰來歲柔桑綠誰臨蘭館春

右二

朔漠遐征後南州倣擾時人心憂社稷天意屬簾帷擁  
佑千齡主國回萬世基中興能事畢倏與帝鄉期

右三

化行江漢域人喜翟車還色養方無阻神遊遽莫攀月  
沉長樂殿雲繞慶都山不奉旋京駕千秋慘聖顏

右四

德盛周文母儀尊營正妃山河隨地載星宿揜軒暉比  
日哀笳曲他年大練衣越岡寧久駐會有霸陵歸

右五

中書舍人胡文修

國賴簾帷政時高社稷功補天恢覆燾浴日烜昭融遺  
範追三后徽音滿六宮願憑掾筆手紀勒昭無窮

右一

北狩憂難弭東朝迹易陳春陵開日月浴邑尚風塵葵  
合遇山遠叢依禹穴隣回瞻仙寢地佳氣已輪囷

右二

多難開真主中興仰母儀寶圖方共濟靈藥杳難期茫  
昧嗟神理哀恫極睿慈初傳遺詔下感泣別鰥嫠

右三

致物忠規遠垂簾詔墨明浮雲俄歛翳白日更宣精欲  
頌坤與美方隆寶用名容臺虧禮愴悼激皇情

右四

畫程辭宵帳祥鸞發曉轅初陳長樂仗疑御濯龍門雨  
泣都人慟風悲海氣昏重瞳追送處揮淚矚祇園

右五

中書舍人洪擬

宣后垂簾日娥皇始女虞柔風三殿喜陰教六官孚言  
動詢詩史興衰鑒女圖誰知三紀事雲散只須臾

右一

富貴雖無敵艱難亦備嘗天街妖乍起狼角勢俄張雖  
恨光巡遠能扶漢祚長餘氣消偽楚興運付吾皇

右二

征虜長驅後兇徒納晦時須知柔靜德能復太平基共

喜升龍早誰云洗日遲大勲彌宇宙塵務更何施

右三

舍弘坤載厚惻怛母慈深憂國逾明德行仁比大任四方流美化萬口頌徽音更讀升仙誥猶存愛物心

右四

長樂鳴鍾斷皇儀素帳張悲生周柳翼淚濕舜衣裳玉鑑鸞空舞銀右五缸鴈已翔干戈何日定歸祔太陵旁

右五

中書舍人林逋

一德艱難際千齡保佑功母儀尊四紀婦職奉三宮仁宣  
欽聖欽壽為憂勤損財因節儉豐鸞駢定何處親泣成三殿瞻重瞳



右一

飲馬驅騎虜飛龍紀建炎艱危三改歲倉卒兩垂簾虛  
座塵凝惺修廊日轉簷寢門問安處回首淚空霑

右二

去歲宮梧落歸鞘贛水濱那知朱夏節已泣素車塵碧  
海神仙闕黃梁夢幻身徽音傳不朽風化被斯民

右三

永念承顏養難酬罔極恩無私安社稷不殺定乾坤玉  
宇歸新燕瑤階長舊寘孝思何日報寶冊冠追尊

右四

內治無私謁中興有聖君洗光曾取日厭世遽乘雲衣  
澣寧嫌練餐霞屢徹掌泰陵松柏路指日靜妖氛

右五

啟櫨

紹興元年五月十二日太常寺言勘會今來大行隆祐  
皇太后崩用五月七日殿櫨所有將來發引前期依故  
事合行啟櫨之禮今具合行事件 一合用御封降真  
香一合 一合用祝文一首 述以大行隆祐皇太后  
啟櫨行祭告之禮 一  
合用供養食茶酒果等乞下諸司排辦 一合差讀祝  
文官一員乞於總護使司屬官內差詔依

五月十四日太常寺言檢會故事禮院上言啟櫨日近  
望降勅旨遣監護使致祭所有將日啟櫨日欲乞依上  
件故事降勅差櫨宮總護使行禮詔依

六月七日禮部太常寺言大行隆祐皇太后還殿用六

月十一日翼時前四刻啟櫓前三日直至祔廟日並前殿不坐今來合自六月初八日至將來祔廟日並後殿坐啟櫓發引日將來撿櫓宮日虞主回赴本殿日過州行祔廟禮日並依故事皇帝不視事文武百官於殿後門外進名奉慰詔依

啟櫓祭吉儀

其日時前先引讀祝文官詣殿下北向立次引行禮官詣殿下南向立定再拜訖俟讀祝文官升殿詣梓宮前東向立次引行禮官升殿詣梓宮香案前搢笏上香再上香三上香跪一盃茶三奠酒執笏俛伏興少立俟讀祝文官讀祝文訖降階復位行禮官再拜訖次引總護使升殿西向立俟時至啟櫓訖遷奉梓宮於殿上當中

訖引總護使詣香案前燒香再拜訖退

中興禮書第二百五十九卷

凶禮二十四

昭慈聖獻皇后

發引一

紹興元年五月二日太常少卿蘇遲等言今具申請事  
件 一明德皇后靈駕赴橫宮發引日皇帝親行啟奠  
禮至乾元門外又行遣奠禮讀哀冊奉辭訖服吉服還  
內宸服並焚之及契勘國朝禮例啟橫禮訖奉梓宮升  
輜行遣奠之禮勘會上件故事即不該載行祖奠之禮  
今欲乞將來發引日依禮例行祖奠之禮外餘乞依上  
件故事 一章穆皇后故事發引日百官服初喪服今  
欲乞依上件故事詔依

五月五日太常寺言檢會明德皇后故事攢殯發引日即不該載用儀仗至遷奉園陵係用儀仗五千三十一人并檢會今未已降道詔合行禮儀難以備舉權宜就近擇地攢殯候軍事寧息歸葬園陵本寺契勘將來發引日令參酌欲乞令本殿關報所屬差常日儀衛人至時權令服紫褐青衫執持儀物護衛祇應外仍乞依故例差僧道尼女冠執擎威儀鐺鉞及寺觀主者導引至攢宮令僧道職編排管押並乞下越州差辦候將來遷奉園寢日即依故事全具儀仗詔依

五月六日太常寺言檢準明德皇后故事靈駕發引日係由西上閣門朝堂門右昇龍門出乾元門所有今來大行隆祐皇太后靈駕發引欲乞自殿攢處直南至權

開門裏由尺頭東由西過道門頭南出行宮門令所屬  
官司預先相度妨碍去處及貼築修治前項經由道路  
所有不致臨時妨闕詔令都太監領喪事所依太常寺  
所申相度妨碍去處令修內司修治

五月九日禮部太常寺言准尚書省批送下都大監領  
喪事所申今具下項本所契緣事干典禮慮有增損改  
更改事件後批勘會本所具到係是園陵體例今來即  
係攢宮兼係水鄉恐道路不能排設送禮部與太常寺  
同共裁定申尚書省今隨宜裁定下項買道車一棹駕  
牛二頭勘會今來經由水鄉難以用牛車欲乞用買道  
與用人擡擎其欲車改用與四目方相車一今欲製造  
方相止用輜輶車用人棹人香輦引魂車鵝葺車重車儀棺

車銘旌幡車各一今欲並改用輿惡車一今欲俟遶奉  
園陵日製造五穀車一今欲改用五穀輿紙輿一今欲  
依此製造大明器檐床二十床今欲裁定用一十床雪  
柳花幡三十株今欲裁定用一十枝春帳夏帳檐床各  
一今欲依此製造蘭苑宮殿二檐床今欲俟將來迎奉  
赴陵日製造衣架廝鑼臺檐床一今欲依此製造果棹  
椅子檐床一十張今欲裁定用二張衣舉五十項金銀  
家事器物檐床已上二項合候本殿臨時具數排設難  
以預定數目止係發引前一日本并發引日綵結輜車一  
今欲俟將來迎奉赴園陵日製造擎用綵結樓子一神  
帛龍輿一花瓶麻爐香案一板木影殿一內板木影殿  
今欲用綵結殿子輜車一黥纁贈玉匣一并小檐床一



皂纁一已上並依此排辦所有今來修製上件一行物  
色故例係少府監修製今來欲乞令工部下所屬修製  
內輜車依故例係四脚并造准備軸一條車脚二箇隨  
車使用仍乞用堪好堅硬材木如法製造挽歌八十四  
人搖鈴唱和三十六人執色除節級二人用幙頭外餘  
人並紙造油綵畫頭冠皂皮履鞋節級合着錦襖子銀  
腰帶執杖子盤脚幙頭上着壓襖紫寬袖黃襖歌衣上  
五對黃寬袖青襖下五對鶯黃寬袖碧襖已上歌衣並  
用大團背花六人唱和執色三十六人執翼一十人執  
鐸一十人執披八人執紉八人並着白歌衣青紅襖袖  
今合行裁減並用挽歌唱和并執色共用四十八人節  
級二人唱和挽歌四十六人執翼八人執鐸六人執紉

四人執披四人已上歌衣並用一色白身青紅襖袖大  
 團背花依故事並在舉前排立發引前夕合赴梓宮前  
 唱和挽詞祇應發引日自梓宮前唱和導引至攢宮并  
 下事了畢上項欲依此施行勘會近據越州具到本州  
 僧道并合用威儀已劄下越州差僧道各一百人詔依  
 五月十日太常寺言檢會元德皇后故事靈駕發引日  
 皇帝親行遣奠准禮群官並隨從立班舉哭欲望其日  
 只令皇親諸親陪位行事群官止於門外立班俟禮畢  
 進名奉慰又明德皇后故事靈駕發引日皇帝親行啟  
 殿至乾元門外行遣奠百官出城奉辭次入赴西上閤  
 門奉慰所有今來發引日皇帝親行啟奠祖奠遣奠其  
 陪位官除攢宮總護使并屬官及行事侍中等合赴陪

位外欲乞皇親南班官并諸親陪位內百官欲乞依明德皇后故事止赴城外奉辭畢次赴殿門進名奉慰詔依五月十一日太常寺言勘會自來園陵禮例除合差挽歌外仍差齋郎攝事今檢照明德皇后故事靈駕發引赴攢宮並不該載差齋郎攝事欲候將來迎奉園陵日依例差攝詔依

五月十五日太常寺言勘會將來發引日皇帝親詣啟奠祖奠遣奠之禮今具合行事件 一合用御封降真

香三合 一合用祝文二首 一首述以行祖奠之意一首述以行祖奠之意

有遣奠係用哀用 一合差割繼內侍一員并收掌監視焚衰服內侍一員入內內侍省差其指引利方焚衰服冠擇官一員太史局差 一合用盥洗并巾乞就用

常器差內侍三員計會諸司排辦至日供進應奉 一

合用幣帛三段

以各長一丈八尺熟白絹充

乞下左藏庫支供 一

合用牙床三張令工部下所屬製造 一合用羊豕各

三乞下越州收買赴寺呈驗訖付牛羊司入滌養餵

一合用香爐匙合炭火并焚衰服柴草並乞下諸司排

辦 一合用抬擎哀冊輦官乞下御輦院差其職掌乞

下禮部差 一合差啟奠祖奠讀祝文官一員遣奠讀

哀冊官一員從舉冊官二員乞差侍從官舉冊官二員

乞差郎官啟祖遣奠進幣爵酒官酌酒官各一員乞差

寺監丞侍中一員奉請靈駕升降進發權駐乞差侍從

太尉一員持節導梓宮監掩櫬官乞差執政司徒一員

率奉梓宮官奉升大昇輦并攝司空復土九鋪乞差侍

從太常少卿一員率執翼障梓宮乞差郎監察御史一員監掩櫬宮乞差監察御史少府監一員進龍輜將作監一員捧梓宮登龍輜兼掩櫬宮乞差郎官宗正卿一員充掩宮饗宮乞差太常少卿詔依大祥除几筵行禮合用三員并華帛一段白羅說中二條及遺器差內侍三員并華帛一合用羊豕各九卒哭祭大奠掩櫬合用羊豕各二虞祭合用羊豕各九卒哭祭大祥除几筵各合用並依此

五月十八日太常寺言檢會故事禮儀使宋白上言靈駕發引前一日之夕晝漏未盡三刻羣官哭臨挽官並如初更之制今緣逐更出入宮禁甚為喧雜望除晝漏未盡三刻哭臨二更以後更不入勅旨依奏所有今來靈駕發引前一日挽歌依故事俟夜祭畢初更入殿祇應外其總護使并挽歌及祇應等人如殿內別無祇應

欲乞依故事初更後並放出所貴宮禁遇夜不致喧雜  
詔依

五月二十日禮部太常寺言依禮例發引前一日奏告  
在京宮觀廟宇并靈駕經過十里內神詞令欲乞下越  
州隨宜備辦酒脯幣帛修撰祝文差官於前一日致齋  
至日祭告行禮詔依

五月二十二日太史局言已降指揮將來發引及攢殯  
月日令太史局選定申尚書省本局今集翰林天文二  
局剋擇官等同共選定開具下項 一啟攢還殿及發  
引興梓宮並宜用六月十一日丙子吉還殿時宜用其  
日癸時於時前四刻啟殿攢至坤時發引興梓宮吉  
一攢殯宜用六月十七日壬午吉時宜用其日癸時安

寶條十世

中興禮書第二百六十卷

山禮二十五

昭慈聖獻皇后

發引二

紹興元年五月二十四日禮部太常寺言今具合行事  
件一契勘自來園陵禮例梓宮升大昇舉內侍奉餽  
所有鑄匙納監護使前期所差內侍請御封題封鑲契  
勘園陵禮例係自京至永安軍沿路經宿數日並契勘  
明德皇后故事發引起櫨宮日即不該載封鑲大昇舉  
所有今來大昇舉發引日欲依明德皇后故事一契  
勘發引日其方相買導舉等除綵結物色外其餘大昇  
舉方相買道舉等候至櫨宮日依故事合於櫨宫外焚



燒其焚燒方位乞下太史局差人指引詔依

二十七日樞密院言殿前司申契勘太常寺關報到引日百官止赴城外奉辭靈駕畢次赴殿門外進名奉慰續准主管禁衛所牒發引日車駕詣行宮門外行遣奠禮差禁衛諸班直等隨從排立所有本司官職當扈衛今承前項逐處關報即未審至日起赴出城奉辭唯復從駕於行宮門外排立兼契勘出城奉辭依百官例服孝服若從駕於行駕門外排立欲服幘頭紫窄衫紅鞋或皂鞋腰帶執骨朵乞一就指揮降下太常寺狀勘會將來發引日車駕行遣殿禮其殿前司官係彈壓禁衛班直等至時合繫角帶綠職事相妨欲乞取旨權免赴赴城外奉辭若係將來第二頓經宿其殿前司官即合

服孝服赴赴城外奉辭詔依

二十八日太常寺言修製哀冊謚冊寶所有將來奉上冊寶了畢依故事發引日擎哀冊謚冊寶於大昇輦前陳列導引今具合申請事件 一冊俟發引日行遣奠禮讀訖于大昇輦前陳列於影殿之後其謚冊寶次哀冊陳列內哀冊依故事更不進入止於前一日同謚冊寶陳列於宮門外所有逐處合用冊寶帷次乞令儀鸞司釘設其奉冊寶職掌並抬擎援衛人並乞用就奉上冊寶人充不足貼差 一哀冊並重銘旌黹纁贈玉依園陵故事並合入皇堂安設緣今來攢宮與園陵制度不同如攢宮不可安設乞隨方相等於利方焚燒內黹纁絹五匹乞令左藏庫支供贈玉匣床令文思院修製

一謚冊寶發引前一日本院降出付禮部俟導引虞主回日依舊交割付本殿官俟將來祔廟導引虞主至溫州交割付奉迎神主所收掌詔依內哀冊至橫宮日交割付宮攢都監并香火官俟將來遷奉園陵即依故事

六月一日參知政事張守臣奉勅撰哀冊文維紹興元年歲次辛亥四月丁卯朔十四日庚辰隆祐皇太后崩于行宮之行殿六月癸卯酉上尊謚曰昭慈獻烈皇后壬午遷座于橫宮遵遺詔也鷄唱既發龍輅載脂分衛仗以容與合笳鼓之淒悲皇帝洒然涕慕至哉孝思陳祖奠而既徹痛慈容之永違爰命通烈丕揚懿徽紀無前之勲德播不朽之聲詩其詞曰宋受景命克肖天德

維天之天列聖是則亦維坤元克配宸極母后之賢踐履一律粵我泰陵憂勤中是昭慈來嬪德協于一逮事宣仁恪遵法式孝奉欽聖肅恭婦職珩璜是節蘋蘩是烈德著三宮化行九域蒙說避位名顯身既世祖升平變生遑隙駟戎馬以長驚邀兩宮而遠適屬我聖后母儀萬國鍊媧石以補天探虞淵而取日翊戴上聖乘乾御曆續皇綱于指顧決大策于呼吸既正神器即復明辟就東朝之大養徹簾帷而淵默逮夫清蹕南渡凶渠作逆躬御篋與靡辭鋒鏑明大義以指麾折姦鋒而避易尊六飛而反正訖羣妖之就殛澤既浹於生靈勲更安於社稷勤翟輅以南行避戎狄之遠逼關溫清於歲序形焦於玉色迎還行朝喜動宮掖期孝養於無窮曷

昊天之不弔嗚呼哀哉坤輿震覆星軒掩匿玉繩曉兮  
月墮翠幄陰兮春寂服黃桑兮輟上帝之薦簪素崇兮  
極吳人之感蘭殿閒兮燕歸鸞鑑虛兮塵積委大練於  
椒房掩柔桑於織室嗚呼哀哉婉孌型于嬪御慈儉孚  
乎蠻貊善必告於吾皇恩靡放於外戚德盛炳兮無瑕  
蒼穹杳兮莫詰嗚呼哀哉奉遺訓以薄歛卜敢塗而習  
吉稽山之陰神禹所宅百神駭奔千巖環翼意仙遊兮  
縹緲駐颺馭兮息偃淨洛邑之妖氛反泰寧之寔寧嗚  
呼哀哉薤歌咽兮露晞丹飛翩兮風急白日慘兮雲愁  
行路悽兮雨泣矧聖孝之有加攀素車而靡及永念周  
旋久罹姦棘冀上天之悔旤啟中興之偉跡庶同太平  
少憇疇昔曾不憇遺遠此永隔嗚呼哀哉漢馬鄧兮有

貪位之譏周任如今無撥亂之績擅全美於簡編振巍音於金石即清廟以登侑配皇圖之赫奕似神靈之不泯佑子孫於千億嗚呼哀哉詔付書冊文官

五日橫宮總護使司言勘會將來發引日諸官司例各於門裏排設路祭若將名器等物盡在城內燒獻竊慮因而惹火燭詔令應排祭官司候臨舉出門將所設明器等物並於城外空迥處焚燒

同日都大監領喪司所言今月四日奉聖旨將來發引日排設路祭一座令尚書省疾速施行詔依已得指揮差馮益並提點諸司官及儀鸞司官同共排辦

七日主管禁衛所言已降指揮將來發引日差常日儀衛人護衛祇應契勘自來隆祐皇太后詣寺觀燒香依

例差班直天武親從共四百六十二人充儀衛及差親兵六百人與班直親從一等差使所有將來發引日除隨從車駕於行宮門外行遣奠禮排立禁衛人外欲窠差護衛靈駕人共五百四十四人兼契勘今來所差儀衛班直親從親兵等係出城護衛祇應別無官彈押今欲乞殿前司城隍司提舉宿衛親兵所各差官一員提振照管所貴整肅詔依

同日閣門言契勘將來發引日陪位行事等官並服孝服今批到太常寺稱其日應奉官等若服常服黑帶從駕別無妨碍今來欲乞是日管軍御帶並合應奉官並服常服黑帶從駕應奉俟皇帝易吉服並易紅帶從駕還內詔依

九日攢宮總護使李回言契勘將來發引日總護使故例合行朝辭今來相去攢宮地里不遠未審合與不合依例施行詔特免

同日太常寺言今具合行事件 一行宮門外行遣奠

禮畢除總護使並都大監領喪事所官合隨從外其餘

行事侍中已下並先赴宿頓其應隨從官依身來園陵

故例沿路許自執扇

或遇雨許披蓋

一沿路宿頓做故例係總

護使已下並行事侍中等及皇親諸親並服孝服立班

上香畢奏請進發所有合用香案爐匙合炭火并香乞

下逐頓排辦 一自啟橫至掩宮日依故例係本殿官

早上食總護使下應合赴立班並服孝服詣梓宮前上

香梓臨其合用香并供養食茶酒果等乞下諸司排辦



詔依

同日太常寺言已用六月十一日未時發引改用六月十四日長行檢會故事前一日之夕晝漏未盡三刻羣官哭臨據太史局申晝漏未盡三刻係酉時六刻所有今來靈駕長行前一日欲乞依上件故事其應立班官並服孝服仍乞下太史局差定時尅擇官一名至日定時祇應詔依

同日總攢宮總護使司言內東門司申勘會將來發引日已准尚書內省批出大人夫人已下五十九人送至攢宮契勘自發引處至攢宮計四頓宮人並在外宿泊本司契勘依園陵故例發引日送殯內人止送至順天門板橋第一頓靈前燒香回所有今來美人慕容氏魏

氏並本殿內人並係成服合送至橫宮已有本殿官并逐位使臣并門司官隨逐幹辦詔送殯內人可送至五雲宿等頓處燒香訖回餘依奏

十一日太常寺言勘會依故事百官於城外奉辭訖次赴奉慰立班並係同日今來六月十四日靈駕長行十五日日出城當日百官奉辭所有十四日既未奉辭是日文武百官別無禮數若各於祭下燒香又恐奉慰差晚今欲乞除執宰於三省樞密院祭下燒香外應文班乞於御史臺祭下武班於閤門祭下燒香並役赴常御殿門進名奉慰訖退詔依

啟奠祖奠遣奠儀

其日少府監率其屬預進龍輜於梓宮之側次有司設

牙床實禮科俟時前皇帝自內服忌日之服至御幄易  
 袞服禮直官引讀祝文官詣殿上東向立進幣爵酒官  
 詣殿上西向立酌酒官於酒樽之後立次引皇親南班  
 官并諸親及總護使司屬官并行事侍中等詣殿下北  
 向依官序立定次禮直官引攢宮總護使於班前立定  
 次禮直官太常博士太常卿於幄前立太史局報時前  
 二刻禮直官太常博士引太常卿當幄前俛伏跪奏稱  
 太常卿臣某言請皇帝行啟奠之禮奏訖俛伏興簾捲  
 前導皇帝出幄詣殿下西向褥位立奏請拜皇帝再拜  
 在位官皆再拜次內侍進盥洗又奏請皇帝盥手悅手  
 內侍進爵又奏請皇帝洗爵拭爵前導皇帝升殿詣昭  
 慈獻烈皇太后靈駕前又奏請皇帝跪上香再上香三

上香進幣爵酒官西向跪先進幣次進爵酒又奏請皇帝受幣奠幣執爵三祭酒奠爵俛伏興又奏請皇帝少立讀祝文官東向跪讀祝文訖奏請皇帝舉哭在位官皆舉哭俟哭止奏請拜皇帝再拜在位官皆再拜前導黃帝降階復位西向立又奏請拜皇帝再拜在位官皆再拜前導皇帝權歸帷簾降陪位官權退俟時至侍中詣昭慈獻烈皇太后靈駕前俛伏跪奏稱侍中臣某言請靈駕升龍輅奏訖俛伏興次將作監捧梓宮登龍輅訖有司設牙床禮料畢引陪位官立定次禮直官太常博士引太常卿當帷前俛伏跪奏稱太常卿臣某言請皇帝行祖奠之禮奏訖俛伏興簾捲前導皇帝出帷詣殿下西向褥位立

奏請行禮並如啟奠之儀

俟行禮畢前導皇帝升

殿詣褥位西向立

前導官執  
官門外以候

前行

禮直官引皇親南

班官并諸親於殿下少立次引橫宮總護使升殿皇后

帝褥位之東西向立

本司屬官先  
退行官門外

禮直官引侍中詣昭

慈獻烈皇太后靈駕前俛伏跪奏稱侍中臣某言詣靈

駕進發奏訖俛伏興次引太尉持節導梓宮進發降殿

太常少卿率執翼者分左右障梓宮初梓宮進發降殿

皇帝舉哭從行總護舉使哭後從皇親諸親皆舉哭陪

從至行宮門外侍中奏請靈駕權駐升大昇舉初至門

外皇帝歸幄簾降前導官立於御幄之前次司徒率梓

宮官

係將  
作監

奉梓宮升大昇舉訖有司設哀冊并牙床實

禮料畢次引讀冊舉冊官各就位東向立進幣爵酒官

西向酌酒官於酒尊之後次引陪位官立定次禮直官

太常博士引太常卿當帷前俛伏跪奏稱太常卿臣某

言請皇帝行遣奠之禮奏訖俛伏興簾捲前導皇帝出

帷詣大昇舉之東褥位西向立奏請行禮並如殿俟行

禮畢陪位官皆退又奏請皇帝少立次禮直官引侍中

進奏請靈駕進發次有司率僧道各執威儀鑼鈸道具

并應車輿法物及儀衛執持儀物人並預陳於前不設

依已降指押候將來速靈駕進發僧道作法事前引又

奏請皇帝舉哭執綵繩俟大昇舉進發內侍割繩訖前

導皇帝舉哭歸帷哭止簾降前導官退皇帝釋衰服其

服內侍收掌太史局指服吉服乘輦還內侍衛如常儀

引內侍焚之內侍監視服吉服乘輦還內侍衛如常儀

六月七日閏門吉今擬定其日皇帝行政奠祖奠遠奠之

注	已	綵	將	御	衣	石	宮	奠	禮	心	元	送	有	到	奠	奠	奠	動	諸	引
詔	定	絕	進	履	用	門	門	禮	合	升	門	太	妨	若	禮	禮	禮	會	又	班
依	儀	候	行	候	哥	外	外	畢	欲	大	外	常	阻	全	乞	緣	梓	將	太	班
		大	奏	捧	畢	侍	西	後	應	舉	升	寺	今	修	下	行	宮	東	常	等
		昇	請	遙	太	中	闕	從	宜	昇	大	相	來	築	趙	宮	降	發	言	並
		舉	前	祥	帝	奉	子	龍	參	即	昇	度	若	無	州	門	龍	引	准	人
		進	尊	官	所	請	術	輜	輜	難	舉	中	就	行	補	外	輜	日	而	撰
		行	皇	降	奏	禮	性	將	將	以	行	尚	行	宮	度	街	升	梓	書	出
		內	帝	龍	請	禮	履	至	來	前	道	言	省	前	貼	道	大	宮	省	候
		侍	出	輜	皇	有	降	行	登	導	莫	省	街	又	墓	步	昇	批	制	奉
		割	慢	用	帝	司	次	官	引	皇	禮	本	街	綠	地	起	舉	龍	送	外
		燭	請	孝	行	矣	龍	門	日	帝	今	省	中	工	平	難	舉	輜	下	餘
		訖	行	幕	遠	龍	輜	少	帝	諸	看	契	心	力	修	以	皇	降	撰	並
		前	官	遠	美	輜	過	駐	服	街	若	於	舉	隆	大	置	帝	殿	宮	出
		導	門	國	禮	設	行	侯	衷	於	於	故	更	如	通	大	行	道	日	奉
		皇	外	升	功	進	于	行	皇	中	行	事	不	雨	本	昇	昇	宮	門	先
		帝	隨	大	前	莫	行	帝	行	行	宮	係	須	冰	府	舉	舉	外	使	所
		還	道	昇	舉	料	門	道	行	道	莫	莫	乾	泥	今	及	行	行	司	有
		陸	南	訖	帝	牙	道	行	行	莫	之	乾	乾	都	都	行	道	中	狀	熱
		餘	向	侯	驛	床	關	行	行	之	街	街	街	街	街	街	街	街	街	街
		依	侯	侯	侯	侯	侯	侯	侯	侯	侯	侯	侯	侯	侯	侯	侯	侯	侯	侯

百官城外奉辭儀

其日百官先赴城外幕次有司排設香案爐等畢備俟  
靈駕將至御史臺閤門集百官立定禮直官引班首以  
下詣班前立定俟靈臺至禮直官贊躬拜班首以下在  
位官皆再拜次引班首詣香案前上香再上香三上香  
復位立班首舉哭在位官皆舉哭俟哭止禮直官贊躬  
拜在位官皆再拜訖權退俟大昇舉過並退